



Universitätsbibliothek Paderborn

**R. P. Lucae Pinelli Societatis Jesu Theologi, De
Perfectione Religiosa, Et Obligatione, Qvam Qvisque
Religiosus ad eam consequendam habet. Libri Quatvor**

Pinelli, Luca

Mogvntiae, 1604

Cap. I. De fine eorum, quos Deus ad religionem vocat.

[urn:nbn:de:hbz:466:1-46699](#)



LIBER PRIMVS
DE PERFECTIONE
RELIGIOSA.

In quo agitur de Vocatione eiusque
fine, qui est Perfectio.

CAPUT I.

*De fine eorum quos Deus vocat ad
religionem.*

ILLI, ego omnium hominum auctor sum & conditor, & idcirco peculiarem eorum curam gero, ac uniuersitate cuique eam vitae instituendae rationem suggero, quoduce, me diligendo & colendo tanquam creatorum suum & Dominum, ab aeterna salute nostra excidat. Quosdam autem speciatim, inter quos & tu numerandus es, delegi, & ex mundo vocavi ad religionem, hoc est ad statum seculari longe sublimiorem & perfectiorum, ut perfectius me cognosceres, amares, & coleres, pluribusque bonorum operum meritis locupletatus, facilius ad felicitatem

A s ater-

eternam peruenires. Nec aliò officia exercitia quæ omnia, quæ in religione ad quam te vocavi offendisti, destinaui, quam ut eorum beneficio ad vitæ spiritualis culmen aliquando contenderes. Si enim meritò plus ab ijs exigitur, quibus plus datum est, iure quoq; à religiosis maius perfectionis studium postulatur, quos Deus tot singulis donis cumulauit. Sic olim dilectum populum meum Istaëliticum à dura Aegypti feruitute vindicaui, ut eum ad iucundissimā promissionis terram perducerem, ibique tranquillus & perfectius cultui diuino operā daret. Ideo legem illi per Moysen dedi, & cæremonias, quas obseruaret, præscripsi. Omnes quidem ab Aegypti æruminis sunt liberati, sed non omnes ad terram promissionis peruererunt. Qui enim mente obdurati diuinis mandatis rebelles extiterunt, velut ingratii pro meritis suis castigati sunt & è viuis sublati. Nec enim dignus est venia, qui benefactoris & Domini sui mandata contempserit.

O quantum falluntur religiosi illi, qui se vocationi suæ facere satis existimat, si conscientiam suam grauioribus peccatis non inquinent, & dum minimum aliquod opus bonum præstant, come contentum

CFC-

DE PER. RELIG. LIB. I. . II

credunt, & ideo posthabita omni perfectionis asequendæ cura in cultu diuino oblanguescunt. Non ita se res habet, ego enim illos laqueis mundi, & grauiorum lapsuum periculo non alia de causa exemi, quam ut promptius expeditiusque ad perfectionem vitæ spiritualis aspirarent, me piè colendo, & iugè sanctarum actionum exercitio gratiam meam promerendo. Certè, quisquis incuriosè negligit contendere ad perfectionem, quam postulo, præterquam quod retrocedat & deficiat, mihi nequaquam placet. Nam ut per Prophētam meum dixi, non satis est declinasse à malo, sed insuper facienda sunt bona, religioni, ad quam quisque vocatus est, congruentia. Magnam iacturam facit, qui, quando commodè potest, vberem rerum spiritualium quæstum per incuriam negligit. Quare neque mirum est quosdam religiosos nunquam pertingere ad inestimabiles thesauros, à me in terra viuentium illis præparatos: immo nec mirum est quosdam deserta vocatione sua ad ollas AEgypti, id est, ad sæculum redire. id enim iustissimè ob eorum torporem & ingratitudinem permitto. Merito siquidem exuitur bonis, qui vel ea non agnoscantur.

12 LVCÆ PINELLI

agnoscit, vel certe ijs non vtitur, quemadmodum conuenit.

Si eos tantùm à mundi calamitatibus & fraudibus liberassem, magnum satis beneficium præstissem, at præterea vos vocavi ad religionem, & in meam quasi familiam adscripsi, omnique commoditate donaui, vt perfectius mihi seruiretis. Age dic mihi, quisquis ad perfectionem illam me amandi colendiisque anhelare non vis, sed sat esse arbitraris, si peccato mortali me non offendas, utri damnum maius inferas, mihi an tibi? tibi certe soli, & quidem opinione tua grauius. Rursum dic. Si in sæculo omnia tibi commoda suppeterent, & immunis esses ab omnibus vitæ periculis, atque etiam de salute animæ certus, nonne magni beneficij loco duceres seruire mihi, tuo creatori & Domino? Ita certe. Iam ergo cum per me omnibus sæculi ærumnis sis solutus, & vtrisque corporis animique periculis liberatus, vt mihi Regi gloriæ commodius seruire possis, iudica ipsemet, an non conueniat omnem torporem & negligentiam ab animo excludere? An forte putas, idco me à te puriorrem perfectioremque amorem atque cultum, quam à sæcularibus reposcere, quod inde

inde commodum aliquod mihi accedat? Nequaquam, ego enim officio tuo & ministerio opus non habeo, omnisq; officiorum tuorum fructus non in me, sed in te redundat. Deinde status tui professio id postulat, ut quanta potes perfectione mihi seruias, cum religio aliud non sit, quam schola perfectionis. Nec aliud est, religiosum esse, quam viam inire, qua ad amoris, cæterarumq; virtutum diuinarū perfectiōnem contendatur. Quocirca vana est eorum religio, qui in bonorum operum exercitatione hanc perfectionis viam negligunt. Hoc enim est, quod ab omnibus religiosis requiro, hoc volo; & ideo ex huius mundi laqueis extractos in paradiſo religionis collocaui. Arbor diu in horto manere non potest, quæ fructum, ob quem plantata est, non protulerit.

*In quo consistat amoris cultusque diuini
perfectio ad quam religiosus est ob-
ligatus, quidq; Deus ab eo
requirat.*

CAPVT II.

ES T O, præstet religiosus aliquis magna & admiranda, si ea amore mei impulſ.